

Jephite extenuet, tamen penitus eum non excusat; si quidem ibidem præmitit: *Neque unquam adducar, ut credam non incaute principem promisso Jephite.* Et ne credas, solum ab eo votum fuisse culpatum, subdit: *Miserabilis necessitas, que solvitar parricidio.*

Obj. V. Immolatio filie Jephite fuit perfectissimus typus immolationis Christi in cruce; ergo videtur voluisse Deus ut haec figura daretur.

R. inde quidem sequi quod innocens illa filia ex voluntate divina Christum perfecte præfiguraverit; sed minime hinc consecutarium est, quod divinitate Iudei voluntatis executor a peccato possit vindicari; sicut nec executores sententiae in Christum latè excusantur. Ita quoque perfecta figura venditi a Iuda Christi fuit venditus a fratribus Joseph; at non ideo venditores ejus a peccato fuerunt immunes.

Obj. VI. S. Hieron. in cap. VII Jeremie, aliqui patres excusant hanc Jephite executionem: 1. Propter ignorantiam, qua rude illud seculum erat involutum, adeo ut, teste Abulensi, ne summus quidem sacerdos hunc casum posset resolvere. 2. Propter zelum religionis, quo simplici, candido pioque animo se voto suo obstrictum arbitrabatur; maxime cum esset homo militaris, quales se votis et juramentis suis, etiam perperam factis, obligari facilius apprehendunt. 3. Timebat vindictam Dei in se et populum, si votum non observaret. 4. Votum suum Deo gratum existimabat, quia eo vix emissio tam ingentem victoriam obtinebat. 5. Jephite a nullo propheta vel pontifice legitur reprehensus: cur ergo nos eum damnamus?

R. præterquam quod haec omnia ex ante dictis solvi valeant, ex iis quidem sequi, quod peccatum Jephite extenuet, non item quod penitus tollatur. Nam per bimestre posse dari ignorantiam invincibilis in præcepto *Non occides*, quod ex primis juris naturæ principiis proxime deducitur, haec tenus putamus inauditum; quamvis aliqui putent, quod ad breve tempus præceptum illud, in quibusdam circumstantiis, possit invincibiliter ignorari.

Obj. VII. Auctor Questionum ad orthodoxos, inter opera S. Justini, Q. 99, dicit diabolum occursum filie tentasse Jephite, ut votum suum violaret, illumique hanc tentationem superasse, atque ideo sanctorum catalogo adscriptum; ergo voto illo tenebatur obstrictus, illudque adimplendo laudem promeritus est.

R. Disting. conseq. Ergo voto illo tenebatur obstrictus ex conscientia erronea (quam tamen deponere debebat), illudque adimplendo promeritus est laudem fidei; transeat: voto illo tenebatur obstrictus ex conscientia recta, et promeritus est laudem justitiae nego consequentiam.

§ II. — PROPOSITUR SENTENTIA NEGANS.

Sententia haec, quæ nempe negat, Jephite votando peccasse, et votum solvendo parricidam fuisse, etiam admodum probabilis est, et satis plausibiliter sustineri potest.

Totidem autem ejusdem circiter sunt probationes, quot ante posuimus objections. Principaliter autem

se fundat in eo, quod Spiritus Domini legatur factus super Jephite, ut illud votum emitteret: siquidem id innuit et clare significat sacer textus supra citatus. Etenim hic y. 29 et seq. dicitur Spiritus Domini eodem modo factus super Jephite, ut voveret, sicut infra, cap. XIV, 19, dicitur irruisse in Samsonem, ut occideret Philistæos. Unde sicut ex illis verbis: *Irruit itaque in eum (Samsonem) Spiritus Domini, descenditque Ascalonem, et percussit ibi triniginta viros, bene sequitur, quod istos 50 viros interficeret ex impulsu Spiritus Domini: ita pariter ex his verbis: Factus est ergo super Jephite Spiritus Domini... et transiens ad filios Ammon, votum votavit, etc., bene concluditur, quod votum istud emiserit ex instinctu Spiritus Domini. Adeoque nec votando peccavit, nec votum solvendo parricida fuit.*

Nec refert, quod etiam Spiritus Domini legatur confortasse Gedeonem, et tamen hic peccaverit petendo duo nova miracula, item conficiendo ephod: quia nimis Scriptura supra, cap. VI, tantum dicit, quod Spiritus Domini induerit seu confortaverit Gedeonem, ut congregaret exercitum ad profligandum Madianitas, non vero ut peteret duo nova miracula. Item cap. VIII non dicit: *Factus est super Gedeon Spiritus Domini, et fecit ephod*, sicut tamen hoc cap. dicit: *Factus est super Jephite Spiritus Domini, et votum votavit.* Ergo clarum est, quod Spiritus Domini factus sit super Jephite, ut voveret, non vero super Gedeon, ut peteret duo nova miracula, aut ut conficeret ephod.

Ad auctoritatem autem SS. patrum respondetur, quod illi quoad resolutionem hujus quæstionis inter se non convenient. Nam licet SS. Chrysost. et Ambros. hoc votum ejusque executionem culpent, tamen S. Hieron. epist. 34 ad Julianum, non aliorum, sed suam mentem exprimens, illud laudat et approbat. Dicit enim ibidem: *Jephite obtulit virginem filiam, indicio in enumeratione sanctorum ab Apostolo ponitur.* Unde dum loco supra cit. ex lib. I cont. Jovin. Jephite arguit temeritatis, non ex sua, sed ex quorumdam Hebraeorum loquitur sententia; nam textus ita sonat: *A plerisque Hebreorum reprehenditur Jephite voti temerarii, quia dixerit: Si tradens tradideris filios Ammon, etc.*

Denique ad auctoritatem S. P. Aug. respondetur, quod ipse in haec quæstione haeserit dubius, nec eam positive resolvare voluerit. Idque patet, 1. ex loco § præced. ex lib. I de Civ. Dei, cap. 21, citato. Patet 2. quia Q. 49 in Jud. tam negantem, quam affirmantem opinionem proponit: et postquam de hac materia in utramque partem ad longum disputasset, tandem ita concludit: *Hæc autem festinantis nobis de prædicta quæstione satis esse utcumque discussa pro hac quidem parte visa sunt. Nunc jam quid Spiritus Domini, sive per nescientem Jephite sive per scientem, sive per ejus imprudentiam sive per obedientiam, sive per offenditum sive per fidem, in hac re gesta præfiguravit, quantum Deus adjuvat requiramus, breviterque pandamus.* Sane haec verba: *Sive per imprudentiam*

sive per obedientiam, sive per offenditum, sive per fidem, satis clare innunt, quod S. Pater hanc quæstionem nec pro una, nec pro alia parte positive resolvere voluerit.

Unde et ante ibidem dixerat: *Quam ob rem si Spiritus Domini, qui factus est super Jephite, ut hoc voveret omnino præcepit... non solum insipientia culpanda non est, verum etiam laudanda obedientia est...; si autem Jephite humanum secutus errorem, humanum sacrificium vovendum putavit... ejus quidem peccatum in unica filia punitur est... verum tamen is etiam ejus error habet aliquam laudem fidei, quia Deum timuit, ut quod voverat redderet, etc.* Ex quibus verbis rursus liquet, quod S. Pater nihil aliud velit, nisi quod Jephite laudabiliter fecerit, si nempe votum illud emiserit ex instinctu Spiritus Domini; male vero, si illud emiserit ex instinctu proprio seu privato. Sed ex quo instinctu votum hoc emissum fuerit, non resolvit. Unde dum antea in præcit. Q. 49 votum illud culpat, pergit ex supposito, quod scilicet Jephite non ex instinctu Spiritus Domini, sed ex instinctu privato primum hominem, sibi a victoria revertentis occursum, immolare voverit: additique, votum illud ejusque executionem propterea præcise non posse a peccato excusari, quia magnum aliquid et spirituale significavit. Quod omnino verum esse, nemo dubitat.

Cap. XII narratur, quomodo Ephraimitæ, suscitata seditione injuste adversus Jephite tumultuantur, cæsi sint ad 42,000. Moritur autem Jephite sexto sui principatus anno; eique succedunt Abesan, Ahialon, et Abdon. Sed quia hoc cap. nihil notabile occurrit, ideo transimus ad

Angelus annuntiat ortum Samsonis, atque in flamme sacrificii in cœlum reddit. Samson divino impulsu uxorem postulat Philistæam, quam desponsaturus, leonem ovulum discerpit. Per trecentas vulpes segetes Philistinorum succedit. A Dalila proditus, per Philistæos ligatur, et oculis orbatur; concutiensque duas domus columnas, hostes secum ruina obruit.

QUESTIO I. — DE CONCEPTIONE ET NATIVITATE SAMSONIS.

Postquam Israelites rursus in idolatriam relapsi fuissent, et propterea per novam oppressionem Philistinorum a Deo castigarentur, ortum Samsonis, qui incipiet populum Israel liberare, parentibus ejus annuntiat angelus. Porro de patre Samsonis dicitur cap. XIII, 2: *Erat autem quidam vir de Saraa, et de stirpe Dan, nomine Manue.* Fuit ergo Samson de tribu Dan, et de illo cum S. Hieron. lib. Tradit. heb. in Gen. interpres communiter intelligunt haec Jacobis verba Gen. XLIX, 16: *Dan judicabit populum suum, sicut et alia tribus in Israel.* Etenim his verbis allusione facta ad nomen Dan, id est judicans, Jacob prædictus inter illius patriarchæ posteros aliquem futurum judicem, qui judicabit populum Israel non minus quam aliae tribus, quæ nempe suum Israeli dederunt judicem. Jam autem ex tribu Dan nullus

fuit judex nisi Samson; ergo de illo intelligentur jam citata Jacobi verba: ac proinde non videtur subsistere opinio eorum, qui dicunt, Samsonem non fuisse propriæ dictum judicem populi, sed tantum vindicem sub judice Heli. Interim ut revertar ad parentes Samsonis,

Sciendum est, patrem ejus virum fuisse valde bonum, ut satis declarat præsens historia, cuius, sicut et matris, religio, virtus, et pietas colligitur ex subito ejus recursu et precatio ad Deum, ubi de filii nativitate alloquo angelico instructus erat.

Habens uxorem sterilem. Sic multi alii viri magni matrem habuerunt sterilem, ut ostenderetur, eos a Deo datos esse mundo ad ipsius salutem.

Apparens autem angelus matri Samsonis dicit y. 4: *Cave ergo ne bibas vinum aut siceram, id est, omnem potum inebriativum. Debebat ergo vivere ut Nazareæ, saltem usque ad partum filii, ut miram istam prolem in lucem ederet.*

y. 5: *Quia concipies et paries filium, cujus non tanget caput novacula; quia nempe Nazarei tempore sue consecrationis, aut separationis, non poterant radi, ut habitur Num. VI, 5. Samson autem fuit Deo consecratus per totam vitam suam; ideoque additur: Erit enim Nazareus (id est, separatus et Deo consecratus) ab infantia sua, et ex matris utero. Quod non ita intelligendum est, quasi fuisse sanctificatus in utero, sicut S. Joannes Baptista, sed ista consecratio intelligitur, sive per donum fortitudinis, quæ fuit quedam gratia gratis data, et potest consistere cum reatu peccati mortalis, sicut et donum prophetæ; vel insinuat duntaxat, eum jussu divino, statim ut natus fuerit, a parentibus, tanquam Nazareum, Deo offerendum ac consecrandum esse. Hinc*

Nota, quod in verbis angelii non tam continetur oraculum, quam divinum præceptum, ne Samson aut parentes tondeant ejus caput. Quod autem Dalila ipsum totonderit, id fecit dormienti et invito, fraudulenter et hostiliter.

y. 17: *Dixitque (Manue) ad eum (angelum) quod est tibi nomen? Respondit autem angelus y. 18: Cur queris nomen meum, quod est MIRABILE? In Hebreo habetur peli, id est, celatum vel occultum. Arias tamen vertit etiam mirabile. Cur autem angelus non expresserit nomen suum, quod tamen subinde fecerit et angeli, rationem assignat Estius, quia angelus hic sustinuit personam Dei, cujus nomen est mirabile, quia natura incomprehensibilis.*

y. 20: *Cumque ascenderet flamma altaris, id est, cum ascenderet flamma de petra, quæ hic loco altaris fuit, angelus Domini pariter in flamma ascendit, ut se non hominem prophetam, sed angelum ostenderet, seque mystice representare Christum, qui imolans se in ara crucis per flammam amoris, postmodum gloriösus in cœlum ascendit, quique in sacrificio eucharisticæ per flammam caritatis jugiter immolatur; sed ita ut, speciebus in stomacho consumptis, ipse vivus et illæsus evanescat, et in cœlum quasi ascendat.*

Unde S. P. Aug. Q. 54 in Jud. ita scribit: *Quod ergo stetit angelus in altaris flamma, magis magisque intelligendus est significasse illum magni consilii angelum in forma servi, hoc est in homine, quem susceturus erat, non accepturum sacrificium sed ipsum sacrificium futurum.*

Collige, quod non satis circumspecte scribat A Lapeide, dum exponens §. 18 dicit, quod Aug. putet illum angelum fuisse Christum Dominum; et postea quasi volens Augustino contradicere subjungit: *Venit certum est angelum hunc proprie fuisse angelum, typice autem representasse Christum. Non sat, inquam, circumspecte scribit, quia quod non aliud velit Aug. quam quod angelus ille Christum significaverit, ex citatis verbis clarum est.*

§. 22: *Et dixit ad uxorem suam: Morte moriemur, quia vidimus Deum.* Observat S. P. Aug. Q. cit. quod communis illius temporis opinio originem ducat ex textu Exod. XXXIII, 20: *Non videbit me homo et vivet.* Attamen cum Manue non dicat: *Morte moriemur, quoniam angelum Domini videmus, sed, Deum vidimus,* ut observat Aug. ibidem, *an eundem angelum Deum vocabant: Illud enim tertium, quod Deum putaverant, qui erat angelus, dici non potest, apertissime dicente Scriptura: TUNC COGNOVIT MANUE QUONIAM ANGELUS DOMINI EST.*

Mirum proinde, quod ita rursum scribat A Lapide ad §. 22: *Videbant ergo Deum in angelo, vel certe angelum esse Deum putabant, ait Aug.* Mirum est, inquam, cum S. Aug. expressis verbis neget illud dici posse, quod Deum putaverint, qui erat angelus.

§. 24: *Peperit itaque filium et vocavit nomen ejus Samson.* Hoc nomen, juxta S. Chrysost. Hom. 18 in Joan., fuit pueru inditum a Deo: matér enim vel admonitu angelii, vel interna inspiratione illud didicerat. Porro nomen *Samson* idem est quod *sol*, sed quintupliciter, ait Serarius: nam

1. Apud S. Hieron, præfat. in Ozeam dicitur non simpliter *sol*, sed *sol ejus*, quasi cum affixo foret Schimscho.

2. S. P. Aug. in psal. LXXX dicit: *Samson noster, qui etiam interpretatur sol ipsorum, eorum scilicet quibus lucet, non omnium, sicut est oriens super bonos et malos, sed sol quorundam, sol justitiae, figuram enim habebat Christi.* Dicitur ergo *sol* ipsorum quasi hebraice foret Schimsam.

3. Quia vox hebraica *scemessch* idem significare potest quod *sol*; vox autem *sas* idem quod *lætitia*, et *sason* idem quod *lætitia*, maxime publica, Arias exponit *Samson*, ut significet idem quod *sol* *lætitiae*.

4. Quia Schaman idem est quod *diruere* aut *populare*; juxta versionem ejusdem, *Samson* idem somat quod *sol* *diruens*, *vastans*, et *populandus*.

5. Sicut a verbo hebraico *isch*, id est *vir*, derivatur diminutivum *Ischon*, id est *parvus vir*, ita a *semesch*, id est *sol*, deducitur *schimson*, id est *parvus sol*.

Præsignabatur isto nomine, inquit Tirinus Israëlitis jam ortum esse solem, parvulum quidem, sed lœtum, qui nova luce omnia lœtificaret; unde et apte

Samson in hoc typus fuit Christi, veri et magni solis justitiae.

§. 25: *Cœpitque Spiritus Dei esse cum illo*, ad ardua molienda et audenda: unde quotiescumque in sequentibus narratur Samson aliquid eximium aggredi, præmittitur: *Spiritus Domini irruit in Samson.*

De hoc ait S. P. Aug. lib. XVIII de Civ. Dei, cap. 19: *Hebræorum judex Samson, cum mirabiliter fortis esset, putatus est Hercules.* Ab illo enim suum Herculem fixerunt Gentiles.

QUÆSTIONE II. — DE NUPTIIS ET ÆNIGMATE SAMSONIS.

Cap. XIV, 2: *Nuntiavit (Samson) patri suo et matri sua dicens: Vidi mulierem in Thamnathæ de filiis Philistinorum, quam quæso ut mihi accipiat in uxorem.* Lex Exod. XXXIV et Deut. VII severissime talia matrimonia prohibebat; unde parentes illam ipsi primo negarunt, ut dicitur §. 3.

R. et dieo: Non peccavit Samson ducento Philistæam: quia id totum faciebat, inspirante Deo, et per consequens in lege sua dispensante, ut colligitur ex §. 4. Unde neganti patri dicit,

§. 3: *Hanc mihi accipe, quia placuit oculis meis.* In hebræo habetur: *Quia hæc recta est in oculis meis.* Scilicet *recta* ad finem mihi a Deo propositum assequendum, placetque non tantum quoad corporis speciem, sed etiam ad querendam occasionem rixarum, et deinde vindictæ, contra Philistæos.

§. 4: *Parentes autem ejus nesciebant, quod res a Domino fieret.* Observat Lyranus quod, cum parentes ejus ab hujus rei notitia excludantur, videatur Samson quoad hoc cognovisse voluntatem Dei per revelationem, eamque postmodum parentibus declarasse. Nam cum ipsi essent pii et Deum timentes, noluisseruntque consentire ejus petitioni, poterant tamen ei fidem adhibere, quia per angelum erat annuntiatus, ac mirabiliter natus, et Spiritu Dei dotatus.

Et quereret occasionem contra Philistium. Verum quidem est, quod Philistæi habitarent in terra Hebreis promissa, ut patet, supra, ex cap. III, et de illis habitatoribus præcepisset Deus filiis Israel, ut eos, posthabita clementia, interficerent, Deut. VI et Num. XXXIII, adeoque titulus hic videatur sufficiens ad eos invadendum: sed volebat Samson id alia occasione facere, ut causa hostilitatis justior videretur.

Itaque cum iret in Thamnathæ, ut futuram sponsam aciperet, et relictis patre ac matre, qui ipsum comitabantur, ad aliam viam declinasset, aut illis continuo procedentibus, ipse alibi in via hæret, apparuit *catus leonis sævus et rugiens*, et occurrit ei; non *eis*. Unde patet, ipsum tunc fuisse solum. Samson autem leonem dilaceravit, in enjus ore, post aliquot dies, invenit declinasse examen apum, atque illie mellificasse, ex quo facto desumpsit suum ænigmam.

§. 10: *Fecit (pater) filio suo Samson convivium, utique septem dierum, ut patet ex §. 12.*

§. 11: *Dederunt ei* (id est assignaverunt ei Philistæi) *sodales triginta, ut essent cum eo.* Hos interpres latinius *pronubos* appellat §. 20. Aliquando in Sc.

ptura vocantur *amici*, vel etiam *fili sponsi*, ut Matth. XIX, 15, et Joan. III, 29. Hi ergo sodales sponsis jungabantur, ut nuptiarum lœtitiam excitarent, illisque honoris causa adcesserent.

§. 12: *Quibus locutus est Samson: Proponam vobis problema, quod si solveritis mihi intra spem dies convivii, dabo vobis triginta sindones, et totidem tunicas.* Mutatorias vestes hic promissas insinuat textus hebraicus, quales apud se solent habere divites.

Conditione igitur implicite accepta, quod illi totidem sindones et tunicas darent, si intra tempus præfixum solvere non possent, proposuit ænigma.

§. 14: *Dixitque eis: De comedente exivit cibus, et de forti egressa est dulcedo.* Allegorice, de morte Christi (quæ omnia peccata quasi comedit et consumpsit) exivit cibus immortalitatis; et de forti, id est de eadem morte (nam *fortis ut mors dilectio*, Cant. VIII) egressa est dulcedo beatitudinis.

§. 15: *Cumque (per tres dies non potuissent ænigma solvere) adesset dies septimus, dixerunt ad uxorem Samson: Blandire viro tuo, suade ei ut indicet tibi quid significet problema.* Non est intelligendum, quod esset dies septimus convivii, erat enim tantum quartus, ut notat Lyranus, et colligitur ex §. 14: sed vocatus est septimus, quia erat sabbatum. Ita similiter Abulensis, Vatablus, et alii. Vel verbum *adesset* significat appropinquare, ut explicant Arias et Menochius. Serarius dicit ex hebræo sic verti posse: *Et fuit in diebus septem, seu, intra dies illos septem.*

§. 17: *Septem igitur diebus convivii flebat ante eum (id est ceteris quatuor diebus), tandemque die septimo (hic proprie intelligitur dies septimus) cum ei molestia esset, exposuit.* Quæ statim indicavit civibus suis. Grandis sane perfidia, quod uxor blandiendo perdat matrimonium.

§. 18: *Et illi dixerunt ei die septimo, ante solis occubitum: Quid dulciss melle, et quid fortius leone?* Addit ex Josepho S. Ambros. subjecisse Samsonem: *Quid muliere perfidiosius.*

Qui ait ad eos: *Si non arassetis in vitula mea, non inventissetis propositionem meam.* Per adagium dicuntur in aliena vitula arare, qui rebus alienis ad suum commodum utuntur.

QUÆSTIONE III. — AN SAMSON NON TAM PRIVATAS, QUAM PUBLICAS INJURIAS ULTUS SIT.

Cap. XV, 1: *Post aliquantulum temporis, cum dies triticeæ messis instant, venit Samson invisiere volens uxori suam.* Nam licet præced. cap., §. 20, *Iratius nimis*, quod nefarie ab ea proditus esset, ab illa recessisset; tamen jam deforbuerat ira ejus, et amor, qui sopitus videbatur, pristinusque affectus revivescat. *Hinc et attulit ei hædum de capris.*

Cumque cubiculum ejus solito vellet intrare prohibuit eum pater illius dicens: *Putavi quod odisses eam, et ideo tradidi illam amico tuo.* Id est pronubo illi, de quo cap. præced., §. 20.

Justam excusationem non habebat sacerdos Samsonis: nam quamvis illo tempore repudium permitteretur,

non equidem licebat uxoribus repudiare maritos. Et quamvis illam iratus deseruerat, adhuc tamen ab eo quærendum erat, an eam repudiare vellet, et facultatem daret alteri nubendi.

§. 3: *Cui Samson respondit: Ab hac die non erit culpa in me contra Philistæos, faciam enim vobis malum.* Videri hic posset, quod Samson ultus sit privatas injurias, sicut et infra, §. 7, ubi dicit: *Licet hæc feceritis, tamen adhuc ex vobis expetam ultiōrem, et tunc (nisi scilicet mihi iterum dederitis occasionem) quiescam.* Sed revera maxime intendebat ulcisci publicas injurias, toti populo Israëlico a Philistæis illatas. Verumtamen iis silentio prætermisssis, solas suas privatas eis oījicit, ne Philistæi iras suas et arma in totum populum, sed in se solum convertant.

§. 4: *Perrexitque et cepit trecentas vulpes, caudasque earum junxit ad caudas.* Mirum quod recentior quidam hic agnoscat majus miraculum, quam in vincendo leonem: Quodque, ut legitur apud Serarius, vir quidam, ex quo bonus et prudens, diceret se posse omnia, quæ in sacris Scripturis habentur, credere; unum hoc non posse, tot scilicet a Samson captas vulpes.

Si enim potuit Julius Cæsar Romæ in spectaculum dare 400 leones, Pompeius 600: si potuit Heliogabalus imperator, homo nefarius, in sola urbe Roma, ut refert Lampridius in ejus Vita, colligere 10,000 pondi aranearum, cur Samson juvenis robustissimus, et venandi peritissimus, non potuit 300 vulpes uno altero die congregare? maxime si sociorum opera adjutus fuit, idque in Palæstina, ubi vulpes sunt frequentes, sicut patet ex variis Scriptura locis; ut Cant. II, 15: *Capite nobis vulpes parvulas, quæ demiliunt vineas.* Psal. LXII, 11: *Tradentur in manus gladii, partes vulpium erunt.* In oratione Jeremiæ: Mons Sion disperit, vulpes ambulaverunt in eo, etc. Vide Serarius.

*Et faces ligavit in medio, id est torres, tædas, seu, ut Arias ex hebræo vertit, *titiones*, v. g., ex pino, cedro, cupresso, aliaque pingui materia, quæ ignem facile conciperet, et diu soveret.*

§. 5: *Quæ statim perrexerunt in segetes Philistæorum, hue illueque dicurrentes.* Non enim poterant currere ordinata et expedite, ad occultandum se in nemoribus, aut foveis terræ; sed eccecurrerunt ad loca magis obvia, seu ad segetes. Et sic hoc stratagemate totam fere illius anni messem absumpsi Samson.

Tam magno autem, atque inopinato frugum suarum viso incendio, dixerunt Philistæi, §. 6, *Quis fecit hanc rem? Quibus dictum est: Samson gener Thamnathæ: quia tulit uxorem ejus, et alteri tradidit, hec operatus est.* Videntur hic Philistæi voluisse justitiam facere Samsoni, nam mox uxorem ejus et patrem combusserunt. Attamen

§. 7: *Ait Samson: Licet hæc feceritis, tamen adhuc ex vobis expetam ultiōrem.* Dixit hæc Samson, tum quia Philistæi non combusserunt uxorem ejus et patrem zelo justitiae, sed magis commoti passione iracundiæ propter damna eis illata, tum quia prædicta oc-